



ЎЗБЕКИСТОН RESPUBLIKASI TRANSPORT VAZIRLIGI HUZURIDAGI
TEMIR YO'LLARDA YUK VA YO'LOVCHILAR TASHISH XAVFSIZLIGINI
NAZORAT QILISH INSPEKSIYASI
«ЎЗТЕМИРYO'ЛNAZORAT»

BUYRUQ

2019-yil «21» 11

TOSHKENT

248 - son

**Ўзбекистон Республикаси “Хотин-қизлар
ва эркаклар учун тенг ҳуқуқ ҳамда
имкониятлар кафолатлари тўғрисида”
Қонуни ижросини таъминлаш ҳақида**

Ўзбекистон Республикасининг “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида” 2019 йил 2 сентябрдаги Қонуни ижросини таъминлаш, хотин-қизлар ва эркаклар учун тенг ҳуқуқ ҳамда имкониятларга эришиш, жамият ва давлат ишларини бошқаришда уларнинг тенг иштирок этишини таъминлаш мақсадида

БУЮРАМАН:

1. Ўзбекистон Республикасининг “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида” Қонуни раҳбарлик ва ижро учун қабул қилинсин.

2. Инспекция бошлиғининг ўринбосари **Абдурахманов Аъзам Абдулхаевич** инспекцияда хотин-қизлар ва эркаклар учун тенг ҳуқуқ ҳамда имкониятларни таъминлаш масалалари бўйича ваколатли шахс (кейинги ўринларда Ваколатли шахс) белгилансин.

3. Ваколатли шахс томонидан қуйидаги мажбуриятларни бажариш таъминлансин:

хотин-қизлар ва эркаклар учун тенг ҳуқуқ ҳамда имкониятлар кафолатларини таъминлаш принципларига риоя этилишини таъминлаш;

хотин-қизлар ва эркаклар учун тенг ҳуқуқ ҳамда имкониятларни таъминлаш ҳолатини таҳлил қилиш, гендер сиёсати амалга оширилишини таъминлашга доир вақтинчалик махсус чоралар қўлланилишининг мақсадга мувофиқлигини ўрганиш ҳамда уларни қўллаш тўғрисида таклифлар киритиш;

жинс бўйича бевосита ёки билвосита камситишга барҳам бериш юзасидан ахборот фаолиятини фуқароларнинг ўзини ўзи бошқариш органлари, нодавлат ноижорат ташкилотлари ва фуқаролик жамиятининг бошқа институтлари билан ҳамкорликда доимий асосда амалга ошириш;

хотин-қизлар ва эркаклар учун тенг ҳуқуқ ҳамда имкониятларни таъминлаш соҳасида гендер кўрсаткичларини таҳлил қилиш;

жисмоний ва юридик шахсларнинг хотин-қизлар ва эркаклар учун тенг ҳуқуқ ҳамда имкониятларни таъминлаш масалалари бўйича мурожаатларни кўриб чиқиш, таҳлил қилиш ҳамда зарур ҳолларда улар ҳақида ваколатли органларга хабар бериш;

хотин-қизлар ва эркаклар учун тенг ҳуқуқ ҳамда имкониятларни таъминлаш масалалари бўйича ходимларнинг касбий даражасини ошириш чораларини кўриш;

жинс бўйича бевосита ёки билвосита камситишнинг намоён бўлиш фактларини бартараф этиш юзасидан чораўлар кўриш.

4. 2019 йил йил 30 сентябрда ўтказилган хотин-қизларининг йиғилиши қарори маълумот учун қабул қилинсин ҳамда Таҳлил, экспертиза ва назорат бўлими бошлиғи **Кияшенко Наталья Александровна** инспекциянинг хотин-қизлар масалалари бўйича бошланғич ташкилоти раиси этиб белгилансин.

5. Жисмоний ва юридик шахслар мурожаатлари билан ишлаш ва ижро назорати бўлими (Исмоилов) мазкур буйруқ билан марказий аппарат ва худудий филиалларнинг барча ходимлари таништирилсин.

6. Мазкур буйруқ ижросини назорат қилишни ўз зиммамда қолдираман.

Инспекция бошлиғи



Д. Ахмедов